

**Cyngor Bro Llanfairpwllgwyngyll**  
**Cofnodion Cyfarfod 26ain Mawrth 2013**

**Presennol:** A. Mummery (Cadeirydd), A. Jones, A. Williams, J. Roberts, A. Thomas, B. Jones, H. Huws, D. Williams, E. Parry, G. Parry, G.C. Jones.

Cynghorydd Sirol J. Evans. Anwen Le Cras (Clerc)

**1. Ymweliad gan Swyddog Cefn Gwlad ac AHNE, Cyngor Sir Ynys Môn**

Croesawyd Mr Alun M Owen i'r cyfarfod a diolchwyd iddo am gymryd yr amser i ddod i esbonio gwaith y Bartneriaeth AHNE. Nodwyd Ymddiheuriad gan Gwyn Morris Jones, Cadeirydd y Bartneriaeth na allai fod yn bresennol. Esboniwyd nad yw'r JAC (*Joint Advisory Committee*) yn Bwyllgor Gwaith ac felly nid oes pwerau gan y Pwyllgor i wneud penderfyniadau nac i ddatgan barn. Adroddodd y swyddog fod y Pwyllgor wedi herio cynrychiolwyr y Grid Cenedlaethol ynglŷn â'u cynlluniau ar gyfer trosglwyddo ynni o Ynys Môn, yn ystod eu cyfarfod yn ôl ym mis Tachwedd. Mae'r mudiadau sy'n cael eu cynrychioli ar y Pwyllgor wedi ymateb yn unigol i ymgynghoriad y Grid Cenedlaethol. Diolchwyd i Mr Owen am fynychu. Penderfynwyd trafod y mater ymhellach yng nghyfarfod nesaf y Cyngor Bro.

**2. Ymddiheuriadau:** J. A. Edwards.

**3. Datganiadau Diddordeb** Ni dderbyniwyd unrhyw ddatganiadau diddordeb

**4. Materion Cyngor Sir**

- Llwybr troed Lon Hedydd/Lon Foelgraig wedi ei drwsio.
- Ffens llwybr beicio yn y Gors - y gwaith i gychwyn wythnos nesaf.
- Llwybr cyhoeddus Llon Dyfnia - angen cysylltu â'r Cyngor Sir er mwyn cael trwsio planciau.

**5. Cyflwyno a Chadarnhau Cofnodion 26 Chwefror 2013**

Cynigwyd gan A. Jones ac eiliwyd gan G. Parry. Derbyniwyd y cofnodion fel rhai cywir.

**6. Materion yn codi o'r cofnodion**

6.1 Lon Cil y Graig - y mater llys rhwng CSYM a Mr Barry Challinor wedi'i ohirio.

6.2 Ieuan Jones, Glanhawr y Gors wedi gyrru neges testun anwedus i'r Clerc. Nid yw wedi cysylltu i drefnu dod 'nôl i'w wait hers iddo fod i ffwrdd o'i waith 24ain Rhagfyr 2012. Anfonodd neges i'r Clerc ar Fawrth 18 yn dweud ei fod am ffonio'r Cadeirydd ond nid yw wedi ei ffonio hyd yma. Y Clerc i ofyn am gyngor gan Un Llais Cymru ar sut i ddelio gyda'r sefyllfa.

6.3 Llwybr y Fynwent - y Clerc yn disgwyl pris gan John C. Lewis.

6.4 Cais gan Mrs Marian Roberts i blannu briallu yn y gweu blodau o amgylch y fynwent. - dim gwrthwynebiad.

6.5 Nodwyd gan A. Jones fod y contractwr torri gwair wedi gwneud gwaith da iawn ar y torri ond nid oedd wedi defnyddio peiriant chwythu ar faes parcio'r fynwent yn unol â'r hyn oedd yn ei bris am y gwaith.

6.6 Defaid yn baeddu ar faes parcio'r fynwent - y Clerc i gysylltu â CSYM i ddarganfod pwy yw perchennog y defaid.

6.7 To gegin y neuadd goffa - nodwyd bod dwr yn parhau i ddod trwy'r to. Mae'n ymddengys bydd y Neuadd yn agored am ryw flwyddyn arall felly dylid ystyried trwsio'r to dros dro.

6.8 Traeniau cae peldroed y Gors - cwmni R.G. Hire wedi gwneud ymchwiliad o'r traeniau ac am anfon pris am ei atgyweirio.

6.9 Twmpathau ar lôn Cil y Graig - Y Cadeirydd am gysylltu â'r Cyngor Sir ynglŷn â hyn yn ogystal â Lôn Refail ger y Wern.

6.10 Archwiliad ar y Maes Chwarae - y Clerc i drefnu'r archwiliad gyda Medwyn Owen, Chwarae Plant.

**7. Cofnodion Pwyllgor Amgylchedd ac Eiddo 12 Mawrth 2013**

Cynigwyd gan A. Jones ac eiliwyd gan G.C. Jones. Derbyniwyd y cofnodion fel rhai cywir.

## 8. Materion yn codi o'r cofnodion

- 2.1 Gwaith adeiladu plotiau blodau ger y cloc/hysbysfwrdd - y Clerc i drefnu cyfarfod gyda Saer Maen i drafod y gwaith.
- 2.2 Cysoni gwaith tirmona - penderfynwyd disgwyl i weld beth yw sefyllfa Ieuan Jones y glanhawr cyn trafod ymhellach. Gofyn i gadeiryddion y Pwyllgorau restru'r holl waith tirmona erbyn y cyfarfod nesaf.
- 2.3 Bin Baw ci - wedi ei archebu ond heb ei dderbyn hyd yma.
- 2.4 Safle parcio a theithio Refail Goch wedi agor. Parcio am ddim, talu £2.00 ar y bws i Fangor ac yn ôl.

## 9. Ceisiadau Cynllunio

- 9.1 Apêl Tŷ Gwyn, Penmynydd i osod twrbin gwynt.  
Datgan pryder ynglŷn â maint y twrbin os nad yn cydymffurfio a pholisi Ynys Môn.

## 10. Cyfrifon Mis Mawrth 2013

Cyflwynwyd taenlen gwariant a derbyniadau mis Chwefror yn ogystal â thaenlen gwariant yn erbyn y gyllideb. Cynigwyd gan G. Parry ac eiliwyd gan A. Jones. Derbyniwyd y cyfrifon a chytunwyd i'r taliadau. Adroddodd y Clerc bod cyfrifon 2012/13 angen bod gyda'r archwilydd mewnol erbyn 24ain Ebrill ac yna wedi'u cymeradwyo gan y Cyngor Bro erbyn 31Mai ar gyfer yr awdit allanol. Nodwyd nad oedd Coleg Harlech wedi talu biliau llogi Neuadd Goffa yn ystod y flwyddyn. Y Clerc i hysbysebu'r gofalwr i beidio bwcio'r neuadd iddynt hyd nes y bydd y taliadau wedi'u gwneud.

## 11. Gohebiaeth

- 11.1 CSYM Penderfyniadau cynllunio.
- 11.2 CSYM Cais wyro llwybr cyhoeddus 11. i Penmynydd. - Dim gwrthwynebiad.
- 11.3 Partneriaeth Twristiaeth Gogledd Cymru - ymateb i'r llythyr gwrthwynebu peilonau.
- 11.4 Un Llais Cymru - Ffurflen ymaelodi gydag Un Llais Cymru £345 y flwyddyn. Cytunwyd.

## 12. Unrhyw Fater Arall

- 12.1 Pwyllgor Trosedd ac Anhrefn - er gwybodaeth nodwyd gan J. Roberts bod yr Heddlu unwaith eto wedi anfon PCSO yn hytrach na Swyddog i'r cyfarfod.
- 12.2 Pwyllgor Safonau - nodwyd bod dau fater wedi codi yn erbyn cynghorwyr cymuned ym Môn.
- 12.3 Ffens Clwb Bowlio - derbyniwyd llythyr gan CSYM yn cytuno i dalu ar y cyd am osod ffens newydd rhwng y Clwb Bowlio a llwybr troed Trem Eryri. Y Clerc i drefnu'r gwaith ac anfonebu'r Cyngor Sir am hanner y gost.
- 12.4 Gofynnwyd a oedd unrhyw un yn adnabod perchennog y modurdy rhwng Maes Hyfryd a'r gweithdai ger yr ysgol. Nodwyd ei fod mewn cyflwr peryglus a bod plant yn cerdded heibio are u ffordd i'r ysgol. Y Clerc i wneud ymholiadau.
- 12.5 Hen 'sub-station' Scottish Power, Lon Refail wrth y Wern. Nodwyd bod y caead wedi'i symud. Mynegwyd pryder y gellir plant cael i mewn iddo. Y Clerc i gysylltu â Scottish Power i'w hysbysebu o'r ffaith.
- 12.6 Coed dros ffordd i'r wern, ceffylau'n pori yno. Nodwyd bod ragwort yn tyfu yno llynedd a'i fod yn beryglus i geffylau.

Dyddiad cyfarfod nesaf - Nos Fawrth 23 Ebrill 2013 am 7.00yh

Arwyddwyd ..... (Cadeirydd) .....(Dyddiad)